

**JAVNI POZIV REGIONALNE KANCELARIJE ZA SARADNJU MLADIH  
SREDNJIM ŠKOLAMA U BOSNI I HERCEGOVINI**

Trening za izgradnju kapaciteta srednjih škola  
„Priprema i pisanje projektnih prijedloga“

*Regionalna kancelarija za saradnju mladih (RYCO), u partnerstvu sa Misijom OSCE-a u Bosni i Hercegovini, poziva srednje škole (javne i privatne) u Bosni i Hercegovini za učešće na treningu „Priprema i pisanje projektnih prijedloga“, s ciljem izgradnje i jačanje kapaciteta u pripremi i implementaciji interkulturalnih projekata mobilnosti, saradnje i aktivizma mladih na Zapadnom Balkanu.*

*Trening ima za cilj da unaprijedi kapacitete škola za identificiranje izazova u lokalnoj i široj zajednici, pripremu i pisanje projektnih prijedloga u oblasti interkulturalnog dijaloga, regionalne saradnje i pomirenja mladih kroz programe omladinskih razmjena.*

**CILJ TRENINGA:**

Opći cilj treninga je podizanje nivoa znanja i kapaciteta srednjih škola (javnih i privatnih) kako bi samostalno i uspješno pripremali projektne prijedloge uz poštivanje principa inkluzivnog učešća mladih.

Kroz trodnevni trening, učesnici/e će:

- ✓ dobiti teorijsku osnovu pripreme i razrade projektnog prijedloga;
- ✓ dobiti priliku da praktično i samostalno u manjim grupama rade na razvijanju univerzalnih elemenata u projektnim aplikacijama – od identificiranja i opravdanosti ideje preko postavljanja ciljeva i kreiranja realnog budžeta i aktivnosti;
- ✓ upoznati se s konceptima interkulturalnog učenja, pomirenja, inkluzije i aktivnog učešća mladih, kao i mogućnostima kreiranja partnerstva u regionu;
- ✓ steći znanja i ojačati kapacitete u implementaciji interkulturalnih programa razmjene mladih.

Trening će biti realiziran na bosanskom/hrvatskom/srpskom jeziku.

Učesnici/e treninga će dobiti Certifikat o učešću na treningu ukoliko prisustvuju cjelovitom treningu od tri dana. Sve troškove učešća (put, smještaj, hrana) obezbjeđuje Misija OSCE-a u Bosni i Hercegovini, u skladu sa svojim pravilima i procedurama. Materijale za rad tokom treninga osigurava RYCO.

**DATUM TRENINGA:** 25 – 27. marta, 2020. godine (srijeda, četvrtak i petak)

**LOKACIJA TRENINGA:** Sarajevo, Bosna i Hercegovina

Hotel CRYSTAL (<https://hoteliilidza.ba/hotel-crystal/>)

**KRITERIJI ZA PRIJAVU:**

Trening je namijenjen isključivo predstavnicima/ama javnih i privatnih srednjih škola u Bosni i Hercegovini koji/e nemaju ili imaju vrlo skromno iskustvo u pripremi i pisanju projektnih prijedloga i njihovoj implementaciji.

**Prijaviti se mogu predstavnici/e javnih i privatnih srednjih škola:**

- koji/e planiraju da pripreme/pišu projektni prijedlog ispred svoje škole;
- koji/e će učestvovati na treningu u cijelosti;
- koji/e do sada nisu bili nosioci regionalnih projekata;
- koji/e do sada nisu imali projekte finansirane od strane RYCO-a;
- koji/e su ranije aplicirali na RYCO pozive, ali nisu dobili grant.

**PRIJAVA:**

**ROK PRIJAVE**

Poziv ostaje otvoren do 15. marta, 2020. g. do kraja dana (nedjelja).

**PRIJAVE DOSTAVITI**

Putem online obrasca koji se nalazi na: <https://bit.ly/2TwuYBv>

*U ime jedne škole može se prijaviti isključivo jedna osoba.*

**NAPOMENA:**

Učesnici/e će se birati na osnovu kriterija navedenih u Pozivu, prema kvaliteti popunjene aplikacije, uzimajući u obzir rodnu jednakost i geografski balans. Učešće na treningu ne predstavlja garanciju dodjele sredstava od strane RYCO-a ili Misije OSCE-a u BiH.

**Prilikom prijave molimo vas da vodite računa o tome da će svi učesnici/e odabrani za učešće biti informirani do 18. marta 2020. godine do 17.00 sati putem emaila.**

Eventualna pitanja mogu se postaviti

- RYCO lokalnom uredu u Bosni i Hercegovini putem emaila [ali.mahmutcehajic@rycowb.org](mailto:ali.mahmutcehajic@rycowb.org) ili pozivom na +387 33 539 282

## **O ORGANIZATORIMA**

**Regionalna kancelarija za saradnju mladih (RYCO)** je nezavisan institucionalni mehanizam osnovan od strane šest vlada Zapadnog Balkana u cilju promocije duha pomirenja i saradnje među mladima u regionu kroz programe omladinskih razmjena. U okviru svog rada, RYCO podržava projekte koji doprinose pomirenju kroz povećanje mobilnosti mladih, saradnje i aktivizma. Više informacija na [www.rycowb.org](http://www.rycowb.org).

**Misija OSCE-a u Bosni i Hercegovini** je osnovana 1995. godine s primarnim ciljem unapređenja stabilnosti i pomirenja u BiH, pružanjem podrške na njenom putu ka regionalnoj političkoj, ekonomskoj i društvenoj integraciji. Aktivnosti Misije usmjerene su na jačanje sistema obrazovanja, demokratskog upravljanja i pravosuđa, te poštivanja ljudskih prava i vladavine prava za sve građane. Također, podržavamo razvoj djelotvornog, odgovornog i sveobuhvatnog sigurnosnog sektora u Bosni i Hercegovini, usklađenog sa međunarodnim standardima. Više informacija o radu Misije dostupno je putem web stranice: [www.osce.org/bih](http://www.osce.org/bih)